

## 2. NARODNI HEROJI PRIPADNICI 7. BANIJSKE BRIGADE »VASILJ GAČEŠA«<sup>1</sup>

1. — BAKRAČ Ignjatija ĐURO, rođen 3. marta 1915. godine u s. Luščani, kotar Glina. Član KPJ od avgusta 1941. godine. U NOB od 1941. godine (u grupi Vasilja Gačeše), gdje vrši slijedeće dužnosti: desetara, vodnika voda, komandanta bataljona, zamjenika komandanta 7. (1) banijske brigade »Vasilj Gačeša«, komandanta divizije KNOJ-a.

Za narodnog heroja proglašen je 27. novembra 1953. godine.

2. — BANINA Tome ANTE, rođen 6. aprila 1915. godine u Velom Ižu, kod Zadra. Član KPJ od 1939. godine. U NOB od 1941. godine, gdje vrši dužnost komesara čete, komandanta bataljona, zamjenika komandanta 9. dalmatinske divizije, komandanta 16. banijske brigade, komandanta 7. banijske brigade »Vasilj Gačeša« u rejonu Olova, komandant 9. dalmatinske divizije, komandant armije.

Za narodnog heroja proglašen je 20. decembra 1951. godine.

3. — BRONZIĆ Petra ŽIVKO, rođen 7. aprila 1921. godine u s. Svinjici, kotar Petrinja. Član KPJ od 1941. godine. U NOB od 1941. godine, gdje vrši dužnosti desetara, komesara čete, komandira čete i komandanta Udarnog bataljona Banijskog NOP odreda, kasnije 1. bataljona 7. banijske brigade. Poginuo je 2. februara 1943. godine braneći Ripački klanac na cesti Bihać—Bosanski Petrovac.

Za narodnog heroja proglašen posmrtno, 30. aprila 1953. godine.

4. — DEBELJAK Stjepana STJEPAN BIL, rođen 20. decembra 1908. godine u s. Ferdinandovcu, kotar Koprivnica. Do rata radnik u Ložionici Jugoslavenskih željeznica Zagreb (danas »Janko Gredelj«). Član KPJ od 1932. godine. U NOB od 1941. godine, a na Baniju dolazi marta 1942. godine, gdje je član i sekretar KK KPH kotara Dvor na Uni i, ujedno, član OK KPH za Baniju. Septembra 1942. je zamjenik komesara 8. banijske brigade i član OK KPH za Baniju. Tokom 1943. godine (za vrijeme četvrte i pete neprijateljske ofanzive) rukovodilac Politodjela 16, a zatim 7. banijske brigade. Poslije pete ofanzive odlazi za Slavoniju i Moslavinu.

Za narodnog heroja proglašen je 27. novembra 1953. godine.

5. — JERKOVIĆ Mate MATE, rođen 19. februara 1915. godine u Novom Selu, kotar Petrinja. Član KPJ od februara 1942. godine.

**1 Narodni heroji Jugoslavije, »Mladost«, Beograd 1975. — Orden narodnog heroja ustanovljen je Ukazom VS NOV i POJ 15. avgusta 1943. Do danas je tim ordenom odlikovano 1.320 boraca i rukovodilaca Narodnooslobodilačke vojske Jugoslavije, 14 stranih državljana, 18 partizanskih jedinica, SKOJ, SUBNOR i više gradova.**

Predratni je aktivista. Godine 1941—1942. dva puta, sa znanjem Franje Oguldnova Seije i Uroša Krunica, odlazi među domobrane, odakle iznosi oružje i municiju, a 6. maja 1942. godine organizovano prelazi u Banijski NOP odred. Bio je operativni oficir bataljona, zatim komandant 5. bataljona Banijskog odreda, kasnije 2. bataljona 7. NOU brigade »Vasilj Gačeša«. Od 10. oktobra 1942. godine odlazi za komandanta Kalničkog NOP odreda. Kasnije vrši dužnosti: zamjenik komandanta 4. slavonske divizije, načelnik štaba 6. slavonskog korpusa, šef operativnog odeljenja GŠH, komandant 6. korpusa NOVJ, zamjenik komandanta 3. armije, komandant 10. zagrebačkog korpusa, načelnik štaba 5. armije, komandant 2. armije, komandant Jugoslavenske ratne mornarice (JRM), pomoćnik saveznog sekretara za narodnu odbranu SFRJ za ratnu mornaricu — admiral. Za narodnog heroja proglašen je 20. decembra 1951. godine.

6. — KALANJA Jovana PETAR — PERO, rođen 15. marta 1915. godine u s. Zakopa, kotar Dvor na Uni. Član KPJ od marta 1942. godine. U NOB od 1941. godine, gdje vrši dužnosti: vodnika voda, zamjenika komandira čete, komandira čete, zamjenika komandanta bataljona, komandanta bataljona, adutanta štaba 7. brigade, načelnika štaba Banijskog odreda, zamjenika komandanta brigade KNOJ-a, načelnika štaba brigade i puka KNOJ-a, načelnika štaba pomorskog odreda KNOJ-a, načelnik (komandant) Vojnog odsjeka Karlovac.

Za narodnog heroja proglašen je 23. jula 1952. godine.

7. — KLJAIČ Mirka MILANKA, rođena 1924. godine u s. Staro Selo kod Sunje, kotar Petrinja. Član KPJ od 1942. godine. U NOB od 1941. godine, gdje vrši dužnost prve žene borca na Baniji, desetera, vodnika voda i redovnog vođe bombaša u napadima na bunkere. Poginula je 19. januara 1943. godine u borbi kod s. Jošavice, Mlinoga početkom četvrte neprijateljske ofanzive.

Za narodnog heroja proglašena je posmrtno 27. novembra 1953. godine.

8. — KRUNIČ Jovana UROŠ, rođen 3. septembra 1914. godine u Starom Selu kod Sunje, kotar Petrinja. Član KPJ od 1941. godine. Predratni je aktivista. U NOB od 1941. godine, gdje vrši dužnosti: sekretara KK KPH za kotar Petrinju, zamjenika komesara Banijskog odreda, prvog komesara 1. udarne brigade, formirane u Hrvatskoj od ličkih, kordunaškog i banijskog udarnog bataljona, komesara 7. brigade »Vasilj Gačeša«, komesara 7. banijske divizije, zamjenika komandanta 4. korpusa NOV i POJ, načelnika štaba korpusa, komandanta 5. pomorske zone, načelnika odeljenja u Upravi Generalštaba JNA, pomoćnika komandanta Vojnog područja. Penzionisan u činu general-majora. Umro 1973. godine.

Za narodnog heroja proglašen je 27. novembra 1953. godine.

9. — MARAKOVIČ NIKOLA NINA, rođen 3. oktobra 1912. godine u Kostajnici. Simpatizer KPJ u sisačkoj gimnaziji, zbog čega je više puta hapšen. Član KPJ od 1939. godine. U NOB od 1941. godine. Prvo je ilegalni partijski radnik u Hrvatskoj Kostajnici i Sisku. Od januara 1942. godine u Banijskom NOP odred, gdje vrši

dužnost zamjenika komandanta bataljona i komandanta 3. bataljona, zamjenika komandanta Banijskog odreda, prvog komandanta 7. brigade »Vasilj Gačeša«, na kojoj dužnosti je i poginuo 13. juna 1943. godine kod s. Rataja na Zelengori, poslije bitke na Sutjesci.

Za narodnog heroja proglašen je posmrtno 6. jula 1953. godine.

10. — MILOJEVIĆ Milana RADOMIR RADE, rođen 20. decembra 1918. godine u s. Umetić, kotar Kostajnica. Predratni aktivni podoficir. Član KPJ od 1942. godine. U NOB od 1941. godine, gdje vrši dužnosti: vodnika voda, komandira čete, komandanta banijskog Udarnog (4) bataljona u 1. udarnoj brigadi Hrvatske, operativnog oficira u 3. kordunaškoj NO brigadi, komandanta 1. bataljona, a zatim i komandanta 7. brigade »Vasilj Gačeša«. Poginuo u borbi sa neprijateljskom konjicom (čerkezima) 11. marta 1944. godine između s. Borojevića i Umetića.

Za narodnog heroja proglašen je posmrtno 24. jula 1953. godine.

11. — SUZIČ Adama MILOŠ, rođen 2. februara 1902. godine u s. Majdan, kotar Dvor na Uni. Predratni radnik u šumama i rudnicima Trgovske gore i Šamarice. Član KPJ od maja 1942. godine. U NOB od 14. decembra 1941. godine, gdje vrši dužnosti desetara, vodnika voda, komandira čete, komandanta bataljona, zamjenika komandanta brigade. Od marta do septembra 1944. godine komandant 7. banijske brigade »Vasilj Gačeša«. Ranjen je od avionske bombe kroz pluća 28. septembra 1944. godine u selu Komarevu, od čega je umro 28. novembra 1945. godine u Vojnoj bolnici Kunišćak u Zagrebu.

Za narodnog heroja proglašen je posmrtno 20. decembra 1951. godine.

12. — ŠPANOVIČ ILIJA, rođen 1917. godine u s. Dragotina, kotar Glina. Član KPJ od 1942. godine. U NOB od 1941. godine, gdje je vršio dužnost vodnika voda, komandira čete i komandanta 1. bataljona 7. banijske brigade. Poginuo na pl. Prenju 10. marta 1943. godine u borbi protiv četnika.

Za narodnog heroja proglašen posmrtno 1953. godine.

13. — VOJVODIČ Rade DIMITRIJE ZEKO, rođen 9. maja 1908. godine u s. Konjušima, srez Andrijevice u Crnoj Gori. Član KPJ od prije rata. U NOB od 1941. godine, gdje je vršio dužnosti vodnika voda, desetara u 1. proleterskoj brigadi, nastavnika omladinskih jedinica u 1. proleterskoj brigadi, zamjenik komandanta bataljona u 1. proleterskoj brigadi, komandant bataljona u 1. dalmatinskoj brigadi, komandanta 7. banijske brigade »Vasilj Gačeša« od avgusta do septembra 1943. godine, načelnika štaba, zatim komandanta 13. primorsko-goranske divizije, načelnika štaba 11. korpusa NOV i POJ, načelnika odjeljenja u štabu 4. armije, komandanta divizije KNOJ-a, komandanta 1. proleterske divizije, načelnika odjeljenja u GŠ JNA za vanarmijsko vojno vaspitanje, načelnika klase Više vojne akademije kopnene vojske JNA.

Za narodnog heroja proglašen 22. decembra 1951. godine.